

BROJ ZAJMA 2000001440
BROJ GRANTA 2000001441

Supsidijarni sporazum

(Program razvoja konkurentnosti u ruralnim područjima)
(Rural Business Competitiveness Development Programme RCDP)

između

BOSNE I HERCEGOVINE

i

FEDERACIJE BOSNE I HERCEGOVINE

Na dan

2016

SUPSIDIJARNI SPORAZUM

SPORAZUM, na dan _____2016. godine između BOSNE I HERCEGOVINE (u daljem tekstu „Zajmoprimac“) i FEDRACIJE BOSNE I HERCEGOVINE (u daljem tekstu „Federacija“).

BUDUĆI DA SE Sporazumom o finansiranju projekta, potpisanog dana 3. i 23. marta 2016. godine između Zajmoprimca i Međunarodnog Fonda za poljoprivredni razvoj (Fond), u daljem tekstu (Sporazum o finansiranju), Fond se složio da učini raspoloživim Zajmoprimcu kredit, pod uslovima i rokovima navedenim u Sporazumu o finansiranju u iznosu od jedanaest miliona stotinudvadesethiljada eura (EUR 11.120.000,00) (Kredit) i iznos granta od četiristotinesedamdesethiljada eura (EUR 470.000,00) (Grant) kao pomoć u finansiranju Dijela A Projekta i Dijela B Projekta (Projekat).

Zajmoprimac se složio da stavi na raspolaganje Federaciji Bosne i Hercegovine dio sredstava kredita u iznosu od šest miliona četiristotinečetdesethiljada eura (EUR 6.440.000,00) i grant u iznosu od dvijestotinesedamdesethiljada eura (EUR 270.000,00) za potrebe finansiranja Dijela A Projekta u Federaciji Bosne i Hercegovine ;

Zajmoprimac i Federacija Bosne i Hercegovine zaključuju Supsidijarni sporazum kojim Zajmoprimac prenosi prava i obaveze na Federaciju po Sporazumu o finansiranju, a u skladu sa Zakonom o zaduživanju, dugu i garancijama Bosne i Hercegovine („Službeni glasnik BiH“, br. 52/05 i 103/09).

ČLAN I

Opšte odredbe

Odredbe Opštih uslova i rokovi i uslovi Sporazuma o finansiranju će se primjenjivati u punoj snazi i učinku na ovaj Sporazum.

Gdje god su korišteni u ovom Sporazumu, osim ako kontekst ne zahtijeva drugačije, nekoliko izraza definisanih u Sporazumu o finansiranju i Opštim uslovima, imaju određena značenja koja su izložena u istim.

ČLAN II

Finansiranje Projekta

Zajmoprimac će staviti na raspolaganje Federaciji dio sredstva kredita i granta doznacavajući isplate u eurima u skladu sa Odjeljkom B Sporazuma o finansiranju i Prilogom 2 za Dio A Projekta .

Za svako povlačenje sredstava finansiranja koje će vršiti Zajmoprimac po Sporazumu o finansiranju, Federalno ministarstvo poljoprivrede, vodoprivrede i šumarstva- Jedinica za koordinaciju projekata u poljoprivredi će dostaviti originalan zahtjev za povlačenje, putem Federalnog ministarstva finansija.

U tu svrhu Zajmoprimac će otvoriti specijalni račun za kredit i specijalni račun za grant za Dio Projekta A.

Zajmoprimac će zaračunati Federaciji kamatu, servisne troškove, iznos glavnice suspidijarnog kredita, te i druge troškove koji se mogu pojaviti, po rokovima i uslovima kako je to definisano u Dijelu B Sporazuma o finansiranju.

ČLAN III

Obaveze Federacije

Federacija se obavezuje da će omogućiti korištenje sredstava kredita i granta Federalnom ministarstvu poljoprivrede, vodoprivrede i šumarstva – Jedinica za koordinaciju projekata u poljoprivredi u svrhu izvršenja Dijela A Projekta u skladu sa Sporazumom o finansiranju, te da će sredstva biti namjenski iskorištena.

Federacija Bosne i Hercegovine je saglasana da dospjele obaveze po osnovu Sporazuma o finansiranju projekta plaćaju Fondu sa računa Ministarstva finansija i trezora „depoziti CV BiH –Servisiranje vanjskog duga podračun FBiH(063111)“ na teret Jedinstvenog računa Uprave za indirektno oporezivanje u skladu sa članom 12. Zakona u uplatama na jedinstveni račun i raspodijeli prihoda („Službeni glasnik BiH“ broj 55/04).

Federacija Bosne i Hercegovine će redovno informisati Zajmoprimca o implementaciji Projekta i redovno dostavljati polugodišnje i godišnje izvještaje.

ČLAN IV

Obaveze Zajmoprimca

Zajmoprimac se obavezuje da će preduzeti sve neophodne radnje da se omogući Federaciji da izvršava svoje obaveze po ovom Sporazumu i Sporazumu o finansiranju i neće preduzimati ili dozvoliti da se preduzmu radnje koje bi spriječile ili se miješale sa takvim izvršenjem.

Zajmoprimac se obavezuje da će redovno dostavljati Federaciji mjesečne izvještaje o finansijskim sredstvima utrošenim za finansiranje Projekta 15 dana po prijemu, kao i relevantnu dokumentaciju na osnovu koje su sredstva utrošena.

ČLAN V

Rješavanje sporova

Svi sporovi nastali na osnovu ovog Sporazuma ili u vezi sa istim a koji se ne mogu prijateljski riješiti između Zajmoprimca i Federacije će se konačno riješiti na nadležnim sudovima Bosne i Hercegovine.

ČLAN VI

Suspenzija, otkazivanje

Ako pravo Zajmoprimca na isplatu Kredita bude suspendovano ili ukinuto od strane Fonda shodno odredbama Sporazuma o finansiranju, pravo Federacije na isplate sa supsidijarnog kredita će isto tako i istovremeno biti suspendovano ili otkazano, u zavisnosti od slučaja. Sve druge odredbe ovog Sporazuma će se nastaviti u punoj snazi i učinku bez obzira na bilo koje otkazivanje ili suspenziju po Ugovoru o finansiranju.

ČLAN VII

Razne odredbe

Ovaj Sporazum stupa na snagu na datum na koji Sporazuma o finansiranju stupa na snagu.

Bilo koja obavijest ili zahtjev koji se traži ili dozvoljava da se daje po ovom Sporazumu i svi sporazumi između strana će biti u pismenoj formi.

Sljedeće adrese su navedene u svrhe ovog Sporazuma:

Za Bosnu i Hercegovinu

Ministarstvo financija i trezora
Trg BiH 1
71000 Sarajevo
Bosna i Hercegovina

Za Federaciju Bosne i Hercegovine:

Federalno Ministarstvo finansija
Mehmeda Spahe 5

71000 Sarajevo
Bosna i Hercegovina
Faks: (033) 203 152

Ako se bilo koja od gornjih adresa i/ili imena promjene, strana koje se to tiče će odmah obavijestiti druge strane pismeno o novim adresama i/ili imenima.

Ovaj Sporazum će prestati da važi na datum na koji prestaje važenje Ugovora o finansiranju, po izmirenju svih obaveza.

Ovaj Sporazum je sačinjen u četiri (4) istovjetna primjerka od kojih svaka strana zadržava po dva (2) primjerka.

KAO SVJEDOCI OVOG UGOVORA strane su ovim učinile da ovaj Sporazum bude parafiran u njihovo ime na svakoj stranici.

U PRISUSTVU DOLE POTPISANIH, strane istog, djelujući preko svojih u cijelosti ovlaštenih predstavnika, potpisali su ovaj Sporazum svojim odgovarajućim imenima.

ZA BOSNU I HERCEGOVINU

ZA FEDERACIJU BOSNE I HERCEGOVINE

Ministar finansija i trezora

Federalni ministar finansija